


VEDAD DELJKOVIĆ

Gradski vijećnik u Gradskom vijeću
Grada Sarajeva



**GRADSKO VIJEĆE GRADA SARAJEVA
PREDSJEDAVALAČI GRADSKOG VIJEĆA**

Predmet: **Inicijativa**

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), podnosim sljedeću

INICIJATIVU

Udruženju "Pomozi.ba" u skladu za važećom Odlukom o uslovima i načinu sticanja statusa udruženja i fondacija od posebnog značaja za Grad Sarajevo utvrditi status "Udruženja od posebnog značaja za Grad Sarajevo".

Potrebno je da grdonateljica Grada Sarajeva za narednu sjednicu Gradskog vijeća Grada Sarajeva Prijedlog ove odluke dostavi Gradskom vijeću na razmatranje i odlučivanje.

Obrazloženje

Udruženje "pomozi.ba" je neprofitna organizacija posvećena pružanju pomoći i podrške ljudima u potrebi kako u Bosni i Hercegovini, tako i u drugim zemljama van granica naše zemlje.

Od osnivanja, 2012. godine do danas, ovo Udruženje je kontinuirano radilo na pružanju pomoći različitim zajednicama u situacijama krize i nepogoda i na taj način uspjeli su pružiti pomoć za preko dva miliona ljudi pružajući im osnovne potrebštine, medicinsku njegu, obrazovanje i podršku za obnovu.

Samo neke od aktivnosti Udruženja su sljedeće:

-Poplave 2014. godine koje su pogodile mnoge regije kada je Udruženje "Pomozi.ba" odmah reagovalo pružajući hitnu pomoć uključujući hranu, vodu, skloništa i medicinsku njegu za pogođena područja;

-Migrantska kriza 2018. godine tokom koje je Udruženje igralo ključnu ulogu u pružanju podrške migrantima i izbjeglicama koji su bili suočeni sa različitim izazovima. Ni tada nije izostala neophodna medicinska pomoć, hrana, odjeća kao i prikladna skloništa.

-Pandemija koronavirusa u toku koje "Pomozi.ba" nije oklijevalo u pružanju podrške zajednicama koje su bile pogođene pandemijom. Na njihovu inicijativu obezbeđeno je 1.500.000 maski za stanovništvo naše regije na koji način je pružena neophodna zaštita i pomoć u suzbijanju širenja virusa.

-Podrška u ratu u Ukrajini i zemljotresima koji su pogodili Tursku i Siriju.

Po otpočinjanju rata u Ukrajini i stravičnih zemljotresa u Trurskoj i Siriji od strane ovog Udruženja odmah su mobilisani resursi i pružena je pomoć pogođenim zajednicama (hitna medicinska pomoć, hrana, voda i skloništa).

U pomoći stanovništvu regija pogođenih zemljotresom provedena je i akcija u saradnji sa Gradom Sarajevom, a za humanitarni rad i djelovanje gradonačelnica Grada Sarajeva Udruženju "Pomozi.ba" uručila je Zahvalnicu Grada Sarajeva.

Jasno je da je kroz nesebičan rad i angažman Udruženje "Pomozi.ba" postalo ambasador naših građana, promovišući humanist, solidarnost i podršku prema ljudima u potrebi širom svijeta.

Zbog naprijed navedenog, predlažem da se Gradsko Vijeće izjasni o podnesenoj Inicijativi kako bi ista postala Inicijativom Gradskog vijeća Grada Sarajeva.

GRADSKI VIJEĆNIK
Vedad Deljković

Sarajevo, 08.04.2024. godine



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odbor za lokalni biznis i turizam

Broj: 04-GV-04-544-3.1/24

Datum, 09.04.2024. godine

Odbor za lokalni biznis i turizam Gradskog vijeća Grada Sarajeva, na 29. sjednici održanoj 09.04.2024. godine, u funkciji pripreme 39. sjednice Gradskog vijeća, razmatrao je:

3. Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

TAČKA 24.

Vijećnička pitanja i inicijative

Poslije uvodnih napomena i rasprave, te sažetka predsjedavajućeg, Odbor za lokalni biznis i turizam je jednoglasno usvojio sljedeći **zaključak**:

Odbor za lokalni biznis i turizam upućuje inicijativu putem Gradskog vijeća KJP ZOI 84 da žičare na skijalištima budu u funkciji tokom cijele godine, te da se početne, odnosno krajnje stanice ovih žičara nadopune određenim sadržajem u toku ljeta.

PREDSJEDAVALJUĆI ODBORA
Nermin Džino, s.r.

Adresa: Hamdije Kreševljakovića 3

71 000 Sarajevo

Tel.: +387 33 216 659

Fax: +387 33 205 874

Email: gsgv@sarajevo.ba

Web: gradskovijece.sarajevo.ba



**Jasmin Ademović, predsjedavajući Gradskog vijeća,
u funkciji gradskog vijećnika**

**GRADSKO VIJEĆE
PREDSJEDAVALJUĆI GRADSKOG VIJEĆA**

Potrebno je da gradonačelnica Grada Sarajeva u skladu sa mogućnostima Grada Sarajeva, iznađe sredstva u Budžetu Grada Sarajeva za susfinansiranje Projekata rehabilitacije i vježbanja u vodi za boračku populaciju, RVI i udruženja logoraša Kantona Sarajevo na Olimpijskom bazenu Otoka te da se koordinišu aktivnosti sa Ministarstvom za boračka pitanja, a posebno sa aspekta sufinansiranja nedostatnih sredstava.

Tražim da se gradski vijećnici izjasne o inicijativi, kako bi ona postala inicijativom Gradskog vijeća.

Obrazloženje:

Uzimajući u obzir da je već prethodno realizovana ova inicijativa a slijedom toga i Projekat rehabilitacije i vježbanja u vodi za boračku populaciju, RVI i udruženja logoraša Kantona Sarajevo na Olimpijskom bazenu Otoka, upućuje se inicijativa da se opet realizuje navedeni projekat, u saradnji sa Ministarstvom za boračka pitanja Kantona Sarajevo.

U Sarajevu, 23.04.2024. godine

Jasmin Ademović, s.r.